

امور تحزیریہ ایچون فؤاد بکہ
وامور اداره ایچون آرتین افندی بہ
مراجعت اولنور۔

—

مسلکمزہ موافق آثار قبول اولنور۔
درج اولنمیان اوراق اعادہ اولنماز۔

مجلہ اولنور

ادارہ خانہ سی باب عالی جادہ سندہ
۵۲ نومرولی « شرکت مرتبہ »
مطبعہ سیدر۔

—

استانبول ایچون سنہ لکی مطبعہ دن
آلفق شرطیلہ ۴۰ طشرہ لره پوستہ
اجرتیلہ برابر ۶۰ غروشدہ۔

نسخہ سی ۱ غروش

پنجشنبہ کونلری نشر اولنور ادبی، فنی و صناعی غزتہ در

نسخہ سی ۱ غروش


❖ روایح ازهار ❖

زمانزه کلنجیه قدر نباتات معطره نك عالم طبیعتده يك نادر بولندیغی سویلنسه بلسکه اینالمازدی .

فی الحقیقه، اکثر مندرجاتی تجارب موثوقیه مستند بولنان جراند فنیهدن بری بوکونلرده نباتات علماسنك عموماً یوز بیک صنف تشکیل ایتك اوزره ترتیب ایتدکری نباتات ارضیه میاننده یالکراونده برینک بر رايحه نفیسه مالک بولندقلری ذکر واتیان ایدیور . ارباب فنجی علی العاده معروف اولان الی جنس قرفلدن یالکز باغچلریمزده یتیشدیریلان بر جنسی قوقولی بولندیغی کبی، یوز جنس بنفشه میانندن اون ایکیمی بیلدیگمز رايحه لطیفه یی مشتمل اولوب اجناس سارمسی خاصه تعطیریه دن محرومدر .

عموماً انواع واجناسك اکثریسندنه، قوقولی نباتاتك قوقوسز نباتاته نسبتی بر عددینك یوزه نسبتی کییدر .


شمیدلک، باغچلریمزی ترین وقلوب ناظرینی تفریح ایدن چیچکلریمزك روایح موجوده سیله اکتفا ایدوب آتیا حصولیدر اوله جق تریقات کمیویه سایه سندنه علی العموم ازهار طراوت نشارك مذاقزه موافق صورته تعطیر ایدله سنه عطف دیدة انتظار ایتمه لی یز .



❖ قر وکشایش هوا ❖

قر، انوار شب افروزی کاملاً نشر وافاضه ایلهدیگی کیچلر عجبا بولوطلری محو ایدرمی؟ — عقیده عمومی و معلومات فنییه بونقطه ده اتحاد ایدرهك بوسؤاله: «اوت!» جوانی ویررلر. هیئتشناس مشهور (هرشل)

قرک حائر اولدیغی ظن اولنان بو خاصه یی شرح وایضاحه قدر قالقشمش وحتی بیک منیرمزك هوای نسیمی ارضه متوجهاً اساله ایتدیگی حرارتك تأثیریه بلوطلرک زائل و نابود اولدقلری ادعا ایتمش ایسده مؤحرراً موسیو (ژوهنسون) بومستله یی تمیق ایدرهك قره عطف اولنکلن بوکبی خواصك نفس الامر و تجارب عدیده اجراسندن صوکره استحصال اولنان نتیجه یه کلیاً مغایر بولندیغی مرتبه وضوح و ثبوته چیقارمشددر . موسیو (ژوهنسون) بدرتام اثناسندنه، قرک هنکام طلوعیه نصف اللیلده، قبه سمانك نه هیئت کسب ایتدیگنه توجیه نظر دقت ایدرهك ۱۲۶ دفعه سندنه جو سمانك کرک قرک حین طلوعنده و کرک نصف اللیلده عین منظره اراه ایتدیگنی، ۳۳ دفعه سندنه فضای آسمانك نصف اللیلده وقت طلوعدن دهامنور و ۲۷ دفعه سندنه دهامظلم و مستر کوروندیگنی تحقیق و مشاهد ایتمشدر . موسی الیهك بو بولده اجرا ایتمش اولدیغی تجارب، توضیح حقیقه و بر ظن باطلک لوحه افکار عامه دن فسخ و امحاسنه خادم اولدیغی جهتله هر حالده جدیر تقدیردر .



❖ تازه میوه اخراجاتی ❖

میوه اخراجاتی فرانسه دولتشك ممالك خارجه ایله ایتدیگی تجارتده مهم بره وقع اشغال ایتمهک باشلامش و خاصه (نورمانیه) ایله (بورغونیه) ده میوه تجارتی ثروت عمومی دنك رکن اساسیسی تشکیل ایتمهکده بولنشددر . ۱۸۹۲ سنه میلادی سندنه مملکت مذکورده دن اخراج اولنان میوه نك مقداری ۳۱۰۲۸۰۰۰ فرانق راده لرنده بولنمش ایکن ۱۸۹۳ سنه سندنه اخراجات مذکوره ۴۴،۹۳۵۰۰۰ فرانقه

بالغ اولمشددر . میوه ادخالاتی ده صوکر سنه لرده فرانسه ده نسبت متساویه ده تزیاد ایتمش و ۱۸۹۲ و ۹۳ سنه لرنده خارجدن نقل اولنان میوه ۴۸،۳۲۳۰۰۰ و ۳۹،۳۶۴۰۰۰ فرانق قدر تخمین ایدلمشددر .

بو قیش پاریسده اکل اولنان میوه لرک مقدار کلیسی (قاپ) الکاسیله (زه لاندجدید) جزیره سندن میرد قاره لرلی حاوی سفان مخصوصه واسطه سیله دوغرودن دوغرویه (انگلتره) یه نقل وایصال واورادن فرانسه یه اخراج ایدلمشددر . بواصولده نقلیات اجراسنه ایلک دفعه اوله رق باشلانمش اولدیغندن سهولتی و مکملیتی جهتیه قریباً همان هر طرفه انتشار و تعم ایده چکی مأمولدر .

(قاپ) نواحی سندنه مواسمك تبدلی اقالیم معتدله ده حکمفرما اولان قوانین طبیعیه یه مخالف وتماماً بر برینك عکسی اولغله میوه لرک قییم اعظمی تشرین اولدن مارتیه قدر طولیانور . قایصی کانون اولده ، چیلک ، اوزوم ، آرمود، الما کانون ثانیده ، شفتالی شباطده ، پورتقالده -- آوروپاده آراناسه بولنجیه جق برزمانده -- یاز اورته سندنه رسیده کال اولور . شمعی یه قدر، بو قیلدن اولان اثمار نفیسه فرانسه یه يك آغیر برقیثاله دائماً جزئی مقدارلرده ورود ایتمهکده اولدیغندن تسهیل نقلیاته بر چاره دوشونیه لرک میوه ادخالاتك منتظم بر اصوله وضع وافرانی اوته دنبری فرانسه ارباب تجارتیه آرزو ایدلمکده ایدی . بوفکرک قوه دن فعله اخراجنه یاردم ایتمهکله برابر میوه تجارتك توسیع دائره حدودینه بر خدمت مهمه اولمق اوزره انکلیزلر میرد اوطدلرله مجهز واپورلر انشا ایتدیرمشلردرکه بونلر (قاپ) ایله (پلیموت) بیننی تفریق ایدن مسافه بیعدیه یی اون اوچ کون ظرفنده قطع ایتمهکده درلر . مع مافیه . اجرت نقلیه ده يك بیوک بفرق کورلمه مش . بر طونیلاته نقلاتنه کی حمله نك نقلی ایچون